



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) Skupština Brčko distrikta BiH, na 27. redovnoj sjednici održanoj 22. juna 2022. godine, usvaja

ZAKON
O IZMJENAMA I DOPUNAMA ZAKONA O PLATAMA I NAKNADAMA U ORGANIMA
JAVNE UPRAVE I INSTITUCIJAMA BRČKO DISTRIKTA BOSNE I HERCEGOVINE

Član 1

U Zakonu o platama i naknadama u organima javne uprave i institucijama Brčko distrikta Bosne i Hercegovine (Službeni glasnik Brčko distrikta BiH, brojevi: 08/19, 10/19, 12/19, 39/20, 41/20 i 13/21), član 5 mijenja se i glasi:

“Član 5
(Plata)

- (1) Plata zaposlenog se sastoji od osnovne plate ili naknade plate i uvećanja plate po osnovu dodatka na platu.
- (2) Zaposlenom se utvrđuje osnovna plata na mjesečnom nivou.
- (3) Osnovna plata utvrđuje se množenjem osnovice za obračun plate i pripadajućeg koeficijenta.
- (4) Bruto plata je plata iz stava 1 ovog člana uvećana za obavezne doprinose.
- (5) U svim elementima koji čine platu iz stava 1 ovog člana sadržan je porez na dohodak.”

Član 2

U članu 18 u dijelu tabele koji se odnosi na radno mjesto „saradnik u nastavi - VŠS“, platni podrazred: „VII1“ i koeficijent: „2,053726“ mijenja se u platni podrazred: „VII3“ i koeficijent: „2,238493“.

Član 3

- (1) U članu 21 stavu 1 tački b) iza alineje 3) dodaje se nova alineja 4) koja glasi:
„4) zaposlene inženjere i tehničare koji vrše poslove nadzora nad radovima prilikom realizacije kapitalnih projekata do 10% (deset posto) na osnovnu platu, za radno vrijeme vršenja nadzora u skladu s odlukom koju donosi Vlada Brčko distrikta BiH, na prijedlog rukovodioca nadležnog organa javne uprave“.
- (2) U članu 21 stavu 2 tačka c) mijenja se i glasi:

“c) rad tokom praznika i neradni dan utvrđen odlukom nadležnog organa.....za 35% (trideset pet posto) od osnovne plate;”.

Član 4

(1) U članu 22 tačka e) dopunjava se tako što se iza teksta: “kada su oba roditelja zaposlena” dodaje interpunkcijski znak zarez “,” i riječi: “uvećane za puni iznos dodatka na osnovnu platu po osnovu radnog staža i dodatka iz člana 21 stava 1 tačke b) alineje 3) ovog zakona;”.

(2) U članu 22 tačka f) dopunjava se tako što se iza teksta: “dok dijete ne navrši dvije godine života” dodaje interpunkcijski znak zarez “,” i riječi: “uvećane za puni iznos dodatka na osnovnu platu po osnovu radnog staža i dodatka iz člana 21 stava 1 tačke b) alineje 3) ovog zakona;”.

Član 5

(1) U članu 23 stavu 1 tačka d) mijenja se i glasi:

“d) Ishranu (topli obrok) za jedan radni dan za puno radno vrijeme, kao i za prekovremeni rad duži od tri sata u toku jednog radnog dana u iznosu od 5,00 KM (pet konvertibilnih maraka) za vrijeme provedeno na radu.

(2) U članu 23 iza stava 3 dodaje se novi stav 4 i glasi:

“(4) Izuzetno od stava 1 tačke d) ovog člana zaposleniku koji radi nepuno radno vrijeme u toku jednog radnog dana ili koji radi puno radno vrijeme koje traje duže od osam sati, izuzev prekovremenog rada, isplaćuje se naknada za topli obrok srazmjerno vremenu provedenom na radu.

Član 6

U članu 29 stav 5 se briše.

Član 7

Ovaj zakon stupa na snagu osmog dana od dana objavljivanja u Službenom glasniku Brčko distrikta BiH, a primjenjivat će se od 01. 07. 2022. godine.

Broj: 01-02-2936/22
Brčko, 22. 6. 2022. godine

PREDSJEDNIK
SKUPŠTINE BRČKO DISTRIKTA BIH
Mr. sci. Siniša Milić